



Broj: UP-I-15.04-13-11/09

Datum: 31.12.2009 godine

Komisija za papire od vrijednosti Brčko distrikta BiH, rješavajući po zahtjevu emitenta "LASER" D.D. za prevoz, proizvodnju, turizam i trgovinu, Brčko u predmetu odobrenja emisije dionica zatvorenom ponudom na osnovu člana 18. i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04, 42/04 i 28/07), člana 62. Pravilnika o uvjetima i postupku emisije papira od vrijednosti ("Službeni glasnik Brčko distrikta BiH", broj: 3/08 i 34/08) i člana 187 Zakona o upravnom postupku Brčko distrikta BiH ("Službeni glasnik Brčko distrikta BiH", broj: 3/00, 5/02, 9/02, 8/03, 8/04, 25/05, 8/07, 10/07, 19/07, 2/08 i 36/09) na svojoj 98. (devedesetosmoj) sjednici održanoj dana 31.12.2009 godine, *donijela je*

Rješenje

o odobrenju emisije dionica zatvorenom ponudom emitentu «LASER» d.d. Brčko

1. Odobrava se II (druga) emisija dionica zatvorenom ponudom ulozima u stvarima emitentu Dioničko društvo za prevoz, proizvodnju, turizam i trgovinu « LASER» Brčko i potvrđuje da je emitent postupio u skladu sa odredbama Zakona o papirima od vrijednosti i Pravilnika o uvjetima i postupku emisije papira od vrijednosti.
2. Dioničko društvo za prevoz, proizvodnju, turizam i trgovinu « LASER» Brčko na osnovu odluke o povećanju osnovnog kapitala broj: 2997/09 od 14.04.2009. godine emituje novih 570.015 običnih dionica, nominalne vrijednosti 10,00 KM po jednoj dionici II (drugom) emisijom dionica zatvorenom ponudom ulozima u stvarima.
3. Skraćeni prospekt II (druge) emisije dionica zatvorenom ponudom ulozima u stvarima emitenta Dioničko društvo za prevoz, proizvodnju, turizam i trgovinu « LASER» Brčko sadrži sve elemente utvrđene odredbama Zakona o papirima od vrijednosti i odredbama Pravilnika o uvjetima i postupku emisije papira od vrijednosti.
4. Ovo rješenje je konačno.

Obrazloženje

Po osnovu zahtjeva ZEHOV-ZP broj UP-15-13-11/09 emitenta „LASER“ d.d. Brčko za odobrenjem nove II (druge) emisije dionica zatvorenom ponudom ulozima u stvarima i dostavljene dokumentacije uz zahtjev i po zaključcima Komisije, a koja se sastoji od: odluke o emisiji broj: 2997/09 od 14.04.2009 godine; ugovora sa Intesa SanPaolo bank d.d. Sarajevo radi obavljanja depozitarskih poslova od 21.12.2009 godine; prijedloga skraćenog prospekta; finansijskog izvještaja za prethodnu - 2008. godinu; odgovarajućeg izvještaja ovlašćenog revizora – Vincent d.o.o Tuzla; potvrde Bobar banke a.d. Bijeljina,

Filijala Brčko broj:468/09 od 12.06.2009.godine za poslove platnog prometa o stanju poslovnih računa emitenta za posljednjih šezdeset dana do dana podnošenja zahtjeva; dokaza o identitetu unaprijed poznatog kupca; izvještaja ovlaštenog procjenitelja; dokaza o vlasništvu nad stvarima i dokaza o uplati propisane naknade Komisiji; a u skladu sa članom 18. i 65. Zakona o papirima od vrijednosti i odredaba Pravilnika o uvjetima i postupku emisije papira od vrijednosti Komisija je zauzela stav kako je navedeno u dispozitivu rješenja i utvrdila da skraćeni prospekt sadrži sve elemente određene navedenim Zakonom i Pravilnikom.

Iz dostavljenih akata, dokumenata i isprava Komisija je utvrdila da je emitent postupio u skladu s članovima 9.-14. Zakona o papirima od vrijednosti i članovima 88-91. Pravilnika o uvjetima i postupku emisije papira od vrijednosti čime su se stekli uslovi da Komisija odobri emisiju novih dionica emitenta, kako je navedeno u dispozitivu rješenja.

II (drugom) emisijom dionica zatvorenom ponudom ulozima u stvarima Dioničko društvo za prevoz, proizvodnju, turizam i trgovinu « LASER» Brčko emituje novih 570.015 običnih dionica, nominalne vrijednosti 10,00 KM po jednoj dionici.

Tačka 4. dispozitiva rješenja zasniva se na članu 60. Zakona o papirima od vrijednosti, po kome su upravni akti Komisije konačni.

Pouka o pravnom lijeku:

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Predsjednik
Komisije za papire od vrijednosti
Brčko distrikta BiH

Mirsad Bešlagić, dipl.ecc

Dostavljeno:

1. „LASER“ d.d. Brčko,
2. Evidenciji,
3. Arhivi.